

vata ubique Christianæ doctrinæ puritas & declinatus novaturientis ingenii pruritus, quo hodie optima de cœtero opera conspurcantur. Id enim ubique dedit auctor operam, ut veritati Divinæ, non humanis ingenii deliriis, pietatem superstrueret, neque doctrinarum in Ecclesiâ nostrâ vulgo receptarum infectione pacis vinculum rumperet, cum pietatis studio indivulso nexu conjunctum. Erat B. Viro ea à DEO concessa indeoles, ut in textus quidem Sacri penetralia curatissimè inquireret, sed exitiosæ simul novitatis offenditionem summo studio declinaret. Quid in particularum Ebraicarum consideratione ante *Noldium* præstiterit, PFEIFFERUS in præfatione Lexico ipsius à se anno M DCLXXXIX. edito præmissa, non sine singulari eidem adscriptâ laude, quod in eo, quæ *Noldii* diligentiam subterfugerunt, suppleantur & restituantur, exposuit. Quod iudicium nuper suum quoque fecit in Historiâ Lexicorum Hebræorum *Job. Christophorus Wolffius*. Quâ curâ, quâque pietate vel quæstiones graviores, ad se delatas, vel conscientiæ casus, ipsi propositos, discusserit, luculento indicio esse possunt ea specimina, quæ his Notis Criticis ex liberalitate Filii adjecimus, potuisseq; plura exhiberi, si Appendix mensuram licuisset excedere. Dabitq; forte Filius, Paternarum virtutum hæres, posthac, si fieri possit, operam, ut quæ hinc inde dispersa jacent, ingenii Paterni documenta, sive olim edita, sive in pluteis adhuc delitescentia, producantur in lucem ad testimonium veritati adversus ingruentem hodie Fanaticismum & Indifferentismum reddendum. Nunc verò ceu prodromi locum occupabunt hæ *Notæ Criticæ atque Exegeticæ*, omni nobis aurô chariores, de quibus, ut Ecclesiæ nostræ intimo cum affectu tanquam novo Sanioris doctrinæ adversus Fanaticas novitates teste, gratulor, DEUMque precor, ut lectionem ejusdem  
über-